

মুকুতাঙ্গীগণ সাবধান!

মুকুতাঙ্গীগণ সাবধান!

হে সালাত আদায়কারী! আপনি জানেন কি যে, আপনি জামা‘আতে নামায আদা করছেন অথচ আপনার নামায সঠিকভাবে সম্পাদিত হচ্ছে না?

দুঃখজনক হলেও সত্য যে, আমাদের দেশে প্রায় প্রতিটি মাছজিদে এমন অসংখ্য মুসাল্লির দেখা মিলে, যারা ইমামের সাথে জামা‘আতে সালাত পড়তে যেয়ে ইমামের আগে আগেই উঠা, বসা, রুকু‘, ছাজদাহ করা, তাকবীর বলা বা ছালাম ফিরানোর কাজ সেরে নেন।

বছরের পর বছর তারা এভাবেই সালাত আদায় করে যাচ্ছেন, অথচ তারা হয়ত জানেনই না যে, এতে করে তাদের সালাত সঠিকভাবে আদায় হচ্ছে না এবং অনেক ক্ষেত্রে তা বাতিল হয়ে যাচ্ছে। সুপ্রসিদ্ধ চার ইমাম সহ অধিকাংশ ফিকুহবিদগণ এ বিষয়ে একমত যে, সালাতে মুকুতাঙ্গীর জন্য ইমামের আগে তাকবীর বলা, ইহরাম বাধা, রুকু‘ বা ছাজদাহ করা, ছালাম ফিরানো ইত্যাদি হারাম। তাছাড়া ফোকাহায়ে কিরামের প্রায় সকলেই এ বিষয়েও একমত যে, কেউ সালাতের জন্য ইমাম সাহেবের তাকবীরে তাহরীমাহ-র একমূহর্ত আগেও যদি ইহরাম বেঁধে নেয় কিংবা ইমামের ছালাম ফিরানোর একমূহর্ত আগে ছালাম ফিরিয়ে নেয় তাহলে তার সালাত বাতিল হয়ে যাবে। কেননা রাছুলুল্লাহ ﷺ বলেছেন:-

إِنَّمَا جُعِلَ الْإِمَامُ لِيُؤْتَمَّ بِهِ فَلَا تَخْتَلِفُوا عَلَيْهِ. ١

অর্থ- ইমাম নির্ধারণ করা হয় তাঁকে অনুসরণ করার জন্য, অতএব তোমরা তাঁর ব্যতিক্রম করো না।^২

অন্য একটি হাদীছে বর্ণিত রয়েছে, রাছুলুল্লাহ ﷺ বলেছেন:-

مَنْ رَفَعَ رَأْسَهُ مِنَ الرُّكُوعِ قَبْلَ الْإِمَامِ فَلَا صَلَاةَ لَهُ. ٣

অর্থ- যে ব্যক্তি ইমামের আগে রুকু‘ হতে মাথা উঠালো তার নামাযই হলো না।^৪

আবুল ওয়ার্দ আল আনসারী رضي الله عنه থেকে বর্ণিত, তিনি বলেন-

১. رواه البخاري

২. সাহীহ বুখারী

৩. أخرجه عبد الرزاق في مصنفه

৪. মুসান্নাফু ‘আব্দুর রায়যাক

صَلَّيْتُ إِلَى جَنْبِ ابْنِ عُمَرَ ، فَجَعَلْتُ أَرْفَعُ قَبْلَ الْإِمَامِ وَأَضَعُ قَبْلَهُ ، فَلَمَّا سَلَّمَ الْإِمَامُ أَخَذَ ابْنُ عُمَرَ بِيَدِي ، فَلَوَانِي ، وَجَدَّ بَنِي ، فَقُلْتُ : مَا لَكَ ؟ قَالَ مَنْ أَنْتَ ؟ قُلْتُ : فَلَانُ بْنُ فَلَانَ . قَالَ : أَنْتَ مِنْ أَهْلِ بَيْتِ صِدْقٍ ، فَمَا مَنَعَكَ أَنْ تُصَلِّيَ ؟ قُلْتُ : أَوْ مَا رَأَيْتَنِي إِلَى جَنْبِكَ ؟ قَالَ : قَدْ رَأَيْتُكَ تَرْفَعُ قَبْلَ الْإِمَامِ ، وَتَضَعُ قَبْلَهُ ، وَإِنَّهُ لَا صَلَاةَ لِمَنْ خَالَفَ الْإِمَامَ.^٥

(অর্থ- আমি (একদা) ইবনু ‘উমারের পাশে সালাত আদায় করতে যেয়ে ইমামের আগে আগে মাথা (ছাজদাহ হতে কিংবা রুকু‘হতে) উঠাতে এবং রাখতে (ছাজদাহর জন্য মাটিতে রাখতে) থাকি (অর্থাৎ ইমামের আগে রুকু‘, ছাজদাহ করতে থাকি)। ইমাম সাহেব ছালাম ফিরানোর পর ইবনু ‘উমার আমার হাত ঝাপটে ধরলেন এবং আমাকে টেনে ধরলেন। আমি বললাম- আপনার কি হয়েছে! (আমাকে এমন করছেন কেন?) তিনি আমাকে বললেন- তুমি কে? উত্তরে বললাম- আমি অমুকের ছেলে অমুক। তিনি আমাকে বললেন- তুমি তো একটি সত্যবাদী পরিবারের লোক, তাহলে কোন জিনিসটি তোমাকে সালাত পড়তে বাঁধা দিল? আমি (আবুল ওয়ার্দ আল আনসারী) তাকে বললাম- আপনি কি আমাকে আপনার পাশে (সালাত আদা করতে) দেখেননি? তিনি বললেন: আমি তোমাকে দেখেছি ইমামের আগে (মাথা) উঠাতে এবং মাথা রাখতে। অথচ যে ব্যক্তি ইমামের ব্যতিক্রম করে তার সালাতই হয় না।^৬

একদা ‘উমার رضي الله عنه এমন এক ব্যক্তিকে দেখলেন, যে ইমামের আগে আগে যাচ্ছিল (অর্থাৎ ইমামের আগেই রুকু‘-ছাজদাহ করছিল)। তিনি তাকে বেত্রাঘাত করলেন এবং বললেন:-

“لَا وَحَدِّكَ صَلَّيْتُ وَلَا بِإِمَامِكَ اقْتَدَيْتُ”^৭

অর্থ- তুমি না একাকী নামায পড়লে, আর না তোমার ইমামের অনুসরণ করলে।^৮

সালাতে মুকুতাদীর কর্তব্য হলো ইমামের অনুসরণ করা। আর কোন কাজে কারো অনুসরণ করার অর্থ তার আগে বা তার অনেক পরে কিংবা তার সাথে সাথে; সমান্তরালে সেই কাজ করা নয়। অনুসরণের অর্থ হলো- যাকে অনুসরণ করা হচ্ছে তার পিছু করা বা তার ঠিক পিছে পিছে যাওয়া।

ফিকুহ শাস্ত্রবিদগণ বলেছেন যে, সালাতে ইমামের অনুসরণ করার অর্থ হলো- ইমাম কোন কাজ শুরু করার পরে মুকুতাদীগণ সে কাজ শুরু করা এবং ইমাম শেষ করার আগে শুরু করা। অর্থাৎ নামাযের প্রতিটি রুকন-আরকান, তাকবীর ইত্যাদি ইমাম সাহেব শুরু করার পরে মুকুতাদীকে সেটি শুরু করতে হবে এবং ইমাম

৫. الاستذكار - ٦٩٤/١. الكنى لمحمد بن اسماعيل البخاري: ص-٢١. تفسير القرطبي- ٧٥٣/١. شرح الزرقاني- ٥٧٢/١

৬. আল ইহতিযাকার- ১/৪৯৬। কিতাবুল কুনা লিল ইমামিল বুখারী- পৃষ্ঠা নং- ১২। তাফহীরে ফোরতুবী- ১/৩৫৭। শারহুয যারকানী- ১/২৭৫

৭. طبقات الحنابلة, الشرح الكبير, مجموع الفتاوى لابن تيمية.

৮. ত্বাবাক্বা-তে হানাবিলা- ১/৩৪৯। আশশারহুল কাবীর- ৪/৩১৯। মাজমুউ ফাতাওয়া ইবনু তাইমিয়াহ- ২৩/৩৩৭, ৩৩৮, ২৯২

সাহেব সেই কাজটি শেষ করার পূর্বেই মুকুতাদীকে সেই কাজটি আরম্ভ করতে হবে। একেই বলে সালাতে ইমামের অনুসরণ।^৯

বেশক'টি বিশুদ্ধ হাদীছ দ্বারা প্রমাণিত হয় যে, ইমামের অনুসরণ বলতে রাছুলুল্লাহ ﷺ উপরোক্ত অর্থটিকেই বুঝিয়েছেন এবং সাহবায়ে কিরামও (رضي الله عنهم) ইমামের অনুসরণ বলতে এই অর্থই বুঝিয়েছেন।

জামা'আতে সালাত আদায়কালীন মুকুতাদীর করণীয় কী এবং সে কিভাবে ইমামের অনুসরণ করবে, সে সম্পর্কে রাছুলুল্লাহ ﷺ বলেছেন:-

إِنَّمَا جُعِلَ الْإِمَامُ لِيُؤْتَمَّ بِهِ، فَلَا تَحْتَلِفُوا عَلَيْهِ، فَإِذَا رَكَعَ، فَارْكَعُوا، وَإِذَا قَالَ: سَمِعَ اللَّهُ لِمَنْ حَمِدَهُ، فَقُولُوا: رَبَّنَا لَكَ الْحَمْدُ، وَإِذَا سَجَدَ فَاسْجُدُوا----- ٥١

অর্থ- ইমাম নির্ধারণ করা হয় তাঁকে অনুসরণ করার জন্য, অতএব তোমরা তাঁর ব্যতিক্রম করো না। তিনি যখন রুকু' করবেন তখন তোমরাও রুকু' করবে। তিনি যখন “ছামি'আল্লাহ্ লিমান হামিদাহ” বলবেন তখন তোমরা “রাব্বানা লাকাল হাম্দ” বলেবে। তিনি যখন ছাজদাহ করবেন তখন তোমরাও ছাজদাহ করবে -----।^{১০}

উপরোক্ত কাজগুলো যে মুকুতাদী, ইমামের সাথে সাথে তথা তার সমান্তরালে করবে না বরং তাঁর পিছনে পিছনে করবে এ বিষয়টি রাছুলুল্লাহ ﷺ আরো স্পষ্টভাবে জানিয়ে দিয়েছেন। সাহীহ মুছলিমে আবু মূছা আল আশ'আরী رضي الله عنه হতে বর্ণিত হাদীছে রয়েছে, তিনি বলেছেন- রাছুলুল্লাহ ﷺ (একদিন) আমাদেরকে খুতবাহ দিলেন। তাতে তিনি আমাদেরকে ছুন্নাতের সুস্পষ্ট বর্ণনা দিলেন এবং আমাদেরকে আমাদের সালাত শিক্ষা দিলেন। তিনি বললেন:-

إِذَا صَلَّيْتُمْ ، فَأَقِيمُوا صُفُوفَكُمْ ، ثُمَّ لِيَوْمُكُمْ أَحَدُكُمْ ، فَإِذَا كَبَّرَ فَكَبِّرُوا ، وَإِذَا قَالَ : غَيْرَ الْمَعْذُوبِ عَلَيْهِمْ وَلَا الضَّالِّينَ فَقُولُوا : آمِينَ ، يُجِئُكُمْ اللَّهُ ، فَإِذَا كَبَّرَ وَرَكَعَ ، فَكَبِّرُوا وَارْكَعُوا ، فَإِنَّ الْإِمَامَ يَرْكَعُ قَبْلَكُمْ ، وَيَرْفَعُ قَبْلَكُمْ ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ : قَبْلَكَ بَيْنَكَ ، وَإِذَا قَالَ : سَمِعَ اللَّهُ لِمَنْ حَمِدَهُ ، فَقُولُوا : اللَّهُمَّ رَبَّنَا لَكَ الْحَمْدُ ، يَسْمَعُ اللَّهُ لَكُمْ ، فَإِنَّ اللَّهَ تَبَارَكَ وَتَعَالَى ، قَالَ عَلَى لِسَانِ نَبِيِّهِ صَلَّى اللَّهُ عَلَيْهِ وَسَلَّمَ : سَمِعَ اللَّهُ لِمَنْ حَمِدَهُ ، وَإِذَا كَبَّرَ وَسَجَدَ ، فَكَبِّرُوا ، وَاسْجُدُوا ، فَإِنَّ الْإِمَامَ يَسْجُدُ قَبْلَكُمْ ، وَيَرْفَعُ قَبْلَكُمْ----- ٥١

৯. দেখুন:- মিনহাজুত ত্বালিবীন-মুগনিল মুহতাজ সহ- ১/২৫৫। রাওয়াতুত ত্বালিবীন- ১/৪৭৩। হাশিয়াতুল মাগরিবী 'আলা নিহায়াতিল মুহতাজ- ২/২২০

১০. رواه البخاري

১১. সাহীহ বুখারী

১২. رواه مسلم والنسائي

অর্থ- তোমরা যখন সালাত পড়তে যাবে তখন তোমরা তোমাদের সাফগুলো (কাতার/সারিগুলো) ঠিক করবে অতঃপর তোমাদের মধ্য হতে কেউ একজন ইমামতি করবে। তিনি যখন (ইমাম) তাকবীর বলবেন তখন তোমরাও তাকবীর বলবে। তিনি যখন “গাইরিল মাগযুবি ‘আলাইহিম ওয়ালায্যা--ল্লী--ন” বলবেন তখন তোমরা আ--মী--ন বলবে, আল্লাহ তোমাদের দু‘আ ক্ববুল করবেন। অতঃপর যখন তিনি তাকবীর বলবেন এবং রুকু‘তে যাবেন তখন তোমরা তাকবীর বলবে এবং রুকু‘তে যাবে (অর্থাৎ ইমাম তাকবীর বলে রুকু‘তে যাওয়ার পরে তোমরা তাকবীর বলে রুকু‘তে যাবে)। কেননা ইমাম তোমাদের আগে রুকু‘তে যাবেন এবং তোমাদের আগে রুকু‘ থেকে উঠবেন। এটা ওটার মোক্বাবিলায় (অর্থাৎ ইমাম তোমাদের যতটুকু সময় আগে রুকু‘তে যাবেন, ইমাম রুকু‘ হতে মাথা উঠানোর পর ঠিক ততটুকু সময় তোমরা; মুক্বতাদীগণ রুকু‘তে বহাল থেকে সেই সময়টুকু পূরণ করে নেবে। কিংবা এ কথার অর্থ এটাও হতে পারে যে, ইমাম যেমন মুক্বতাদীর আগে রুকু‘ করবেন তেমনি মুক্বতাদীর আগে রুকু‘ হতে মাথা উঠাবেন)। ইমাম যখন “ছামি‘আল্লাহু লিমান হামিদাহ” বলবেন তখন তোমরা বলবে “আল্লাহুমা রাব্বানা লাকাল হাম্ দ” আল্লাহ তোমাদের কথা শুনবেন। কেননা আল্লাহ তাবারাকা ওয়া তা‘আলা তাঁর নাবীর ভাষায় বলেছেন “ছামি‘আল্লাহু লিমান হামিদাহ” (অর্থাৎ আল্লাহ তাঁর প্রশংসাকারীর প্রশংসা শুনেন)। ইমাম যখন তাকবীর বলবেন এবং ছাজদাহুতে যাবেন তখন তোমরা তাকবীর বলবে এবং ছাজদাহুতে যাবে (অর্থাৎ ইমাম তাকবীর বলে ছাজদাহুতে যাওয়ার পরে তোমরা তাকবীর বলে ছাজদাহুতে যাবে)। কেননা ইমাম তোমাদের আগে ছাজদাহুতে যাবেন এবং তোমাদের আগে ছাজদাহু হতে উঠবেন। এটা ওটার মোক্বাবিলায় (অর্থাৎ ইমাম তোমাদের যতটুকু সময় আগে ছাজদাহুতে যাবেন, ইমাম ছাজদাহু হতে মাথা উঠানোর পর ঠিক ততটুকু সময় তোমরা; মুক্বতাদীগণ ছাজদাহুতে বহাল থেকে সেই সময়টুকু পূরণ করে নেবে। কিংবা একথার অর্থ এটাও হতে পারে যে, ইমাম যেমন মুক্বতাদীর আগে ছাজদাহু করবেন তেমনি মুক্বতাদীর আগে ছাজদাহু হতে মাথা উঠাবেন)। ----^{১৩}

আবু হুরাইরাহ رضي الله عنه সূত্রে অন্য একটি হাদীছে বর্ণিত রয়েছে, রাছুলুল্লাহ ﷺ বলেছেন:-

إِنَّمَا جُعِلَ الْإِمَامُ لِيُؤْتَمَّ بِهِ فَإِذَا كَبَّرَ فَكَبِّرُوا وَلَا تُكَبِّرُوا حَتَّى يُكَبِّرَ وَإِذَا رَكَعَ فَارْكَعُوا وَلَا تَرْكَعُوا حَتَّى يَرْكَعَ وَإِذَا قَالَ سَمِعَ اللَّهُ لِمَنْ حَمِدَهُ فَقُولُوا اللَّهُمَّ رَبَّنَا لَكَ الْحَمْدُ وَإِذَا سَجَدَ فَاسْجُدُوا وَلَا تَسْجُدُوا حَتَّى يَسْجُدَ --⁸⁵

অর্থ- ইমাম নির্ধারণ করা হয় তাঁকে অনুসরণ করার জন্য, অতএব তিনি যখন তাকবীর বলবেন তোমরাও তখন তাকবীর বলবে, তবে তোমরা (মুক্বতাদীগণ) তাকবীর বলবে না, যে পর্যন্ত না তিনি (ইমাম) তাকবীর বলেন। তিনি যখন রুকু‘ করবেন তখন তোমরাও রুকু‘ করবে। তবে তোমরা (মুক্বতাদীগণ) রুকু‘ করবে না, যে পর্যন্ত না তিনি (ইমাম) রুকু‘ করেন (অর্থাৎ রুকু‘তে পুরোপুরি গিয়ে পৌঁছান)। তিনি (ইমাম)

১৩. সাহীহ মুছলিম, ছুনানুন্ নাছায়ী

১৪. رواه أبو داود

যখন “ছামি‘আল্লাহ্ লিমান হামিদাহ” বলবেন তখন তোমরা (মুকুতাদীগণ) আল্লাহুমা রাব্বানা লাকাল হাম্দ বলবে (কোন কোন বর্ণনায় “লাকাল হাম্দ” এর স্থলে “ওয়া লাকাল হাম্দ” বলার কথা রয়েছে)। তিনি (ইমাম) যখন ছাজদাহ করবেন তখন তোমরাও ছাজদাহ করবে, তবে তোমরা (মুকুতাদীগণ) ছাজদাহ করবে না, যে পর্যন্ত না তিনি (ইমাম) ছাজদাহ করেন (অর্থাৎ ছাজদাহতে পুরোপুরি গিয়ে পৌঁছান)।

-----^{১৫})

একই বিষয়ে আবু হুরাইরাহ رضي الله عنه এর সূত্রে বর্ণিত অন্য একটি বর্ণনায় রয়েছে, রাছুলুল্লাহ صلوات الله عليه বলেছেন:-

إِنَّمَا جُعِلَ الْإِمَامُ لِيُؤْتَمَّ بِهِ فَإِذَا كَبَّرَ فَكَبِّرُوا ، وَإِذَا رَكَعَ فَارْكَعُوا ، وَإِذَا رَفَعَ فَارْفَعُوا رُءُوسَكُمْ ، وَإِذَا قَالَ : سَمِعَ اللَّهُ لِمَنْ حَمِدَهُ فَقُولُوا جَمِيعًا اللَّهُمَّ رَبَّنَا لَكَ الْحَمْدُ ، وَإِذَا سَجَدَ فَاسْجُدُوا ، وَلَا تَسْجُدُوا قَبْلَ أَنْ يَسْجُدَ ، وَإِذَا رَفَعَ رَأْسَهُ فَارْفَعُوا رُءُوسَكُمْ ، وَلَا تَرْفَعُوا رُءُوسَكُمْ قَبْلَ أَنْ يَرْفَعَ. ^{١٦}

অর্থ:- ইমাম নির্ধারণ করা হয় তাঁকে অনুসরণ করার জন্য, সুতরাং তিনি যখন তাকবীর বলবেন তোমরা তখন তাকবীর বলবে। তিনি যখন রুকু‘ করবেন তখন তোমরা তখন রুকু‘ করবে। তিনি যখন (রুকু‘ হতে) মাথা উঠাবেন তোমরা তখন মাথা উঠাবে। তিনি যখন “ছামি‘আল্লাহ্ লিমান হামিদাহ বলবেন তখন তোমরা সকলে “আল্লাহুমা রাব্বানা লাকাল হাম্দ” বলবে। তিনি যখন ছাজদাহ করবেন তখন তোমরা ছাজদাহ করবে তবে তিনি (ইমাম) ছাজদাহ করার আগে তোমরা (মুকুতাদীগণ) ছাজদাহ করবে না। ----। তিনি যখন তার মাথা (ছাজদাহ থেকে) উঠাবেন তখন তোমরা তোমাদের মাথা উঠাবে, তবে তিনি (ইমাম) মাথা উঠানোর পূর্বে তোমরা মাথা উঠাবে না। ----^{১৭}

মুকুতাদীগণ কখন তাকবীর বলবেন এবং রুকু‘-ছাজদাহ করবেন, মাথা উঠাবেন ইত্যাদি বিষয়ে উপরোক্ত হাদীছ সমূহে অত্যন্ত সুস্পষ্ট নির্দেশনা রয়েছে। এসব হাদীছ দ্বারা স্পষ্টভাবে একথা প্রমাণিত যে, তাকবীর, তাহরীমা, রুকু‘, ছাজদাহ, উঠা, বসা, ছালাম ফিরানো এসব কাজ ইমাম সাহেব শুরু করার পরেই কেবল মুকুতাদীগণ করবেন, কোন অবস্থাতেই তার (ইমামের) আগে নয়।

সাহাবায়ে কিরাম رضي الله عنهم সালাতে কিভাবে ইমামের অনুসরণ করতেন, এর সুস্পষ্ট বর্ণনা পাওয়া যায় বারা ইবনু‘আযিব رضي الله عنه থেকে বর্ণিত হাদীছে। তিনি বলেছেন:-

১৫. ছুনানু আবী দাউদ

১৬. السنن الكبرى للبيهقي

১৭. ছুনানুল কুবরা লিল বাইহাকী

كُنَّا نُصَلِّي خَلْفَ النَّبِيِّ صَلَّى اللَّهُ عَلَيْهِ وَسَلَّمَ ، فَإِذَا قَالَ: “سَمِعَ اللَّهُ لِمَنْ حَمِدَهُ” لَمْ يَحْنُ أَحَدٌ مِنَّا ظَهْرَهُ حَتَّى يَضَعَ النَّبِيُّ صَلَّى اللَّهُ عَلَيْهِ وَسَلَّمَ جَبْهَتَهُ عَلَى الْأَرْضِ.^{١٨}

অর্থ- আমরা রাছুলুল্লাহ ﷺ এর পিছনে নামাযে পড়তাম। তিনি যখন “ছামি‘আল্লাহ্ লিমান হামিদাহ” বলতেন, আমাদের মধ্যে কেউই নিজের পিঠ নিচের দিকে ঝুকাতো না যতক্ষণ না রাছুলুল্লাহ ﷺ তাঁর কপাল মাটিতে রাখতেন। (অর্থাৎ রাছুলুল্লাহ ﷺ “ছামি‘আল্লাহ্ লিমান হামিদাহ” বলার পরে আমরা সবাই সোজা দাঁড়িয়ে থাকতাম, কেউই ছাজদাহতে যাওয়ার জন্য পিঠ বাঁকা বা নিচু করতাম না যতক্ষণ না রাছুলুল্লাহ ﷺ ছাজদাহতে যেয়ে তাঁর কপাল মাটিতে রাখতেন। রাছুলুল্লাহ ﷺ ছাজদাহতে যেয়ে যখন তাঁর কপাল মাটিতে রাখতেন কেবল তখনই আমরা ছাজদাহর জন্য নিচের দিকে ঝুকতাম তথা ছাজদাহতে যেতাম)।^{১৯}

এই একই বিষয়ে সাহীহ মুছলিমের বারা ইবনু ‘আযিব رضي الله عنه থেকে বর্ণিত হাদীছে রয়েছে, তিনি বলেছেন:-

كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ، إِذَا قَالَ: سَمِعَ اللَّهُ لِمَنْ حَمِدَهُ لَمْ يَحْنُ أَحَدٌ مِنَّا ظَهْرَهُ، حَتَّى يَقَعَ رَسُولُ اللَّهِ صَلَّى اللَّهُ عَلَيْهِ وَسَلَّمَ سَاجِدًا، ثُمَّ يَقَعُ سُجُودًا بَعْدَهُ.^{٢٠}

অর্থ- রাছুলুল্লাহ ﷺ যখন “ছামি‘আল্লাহ্ লিমান হামিদাহ” বলতেন, আমাদের কেউই স্বীয় পিঠ বাঁকা (নিচু) করত না যতক্ষণ পর্যন্ত রাছুলুল্লাহ ﷺ ছাজদাহতে না যেতেন। তিনি ছাজদাহতে লুটিয়ে পড়ার পরই আমরা ছাজদাহর জন্য লুটিয়ে পড়তাম।^{২১}

অপর এক বর্ণনায় বর্ণিত রয়েছে, সাহাবোয়ে কিরাম رضي الله عنهم বলেছেন:- নিশ্চয়ই নাবী صلى الله عليه وسلم (ছাজদাহ হতে) উঠে সোজা হয়ে দাঁড়াতেন আর আমরা তখনও ছাজদাহরত থাকতাম।^{২২}

সালাতে ইমামের আগে তাকবীর বলতে, তাহরীমা বাঁধতে, উঠা, বসা বা রুকু-ছাজদাহ করতে রাছুলুল্লাহ ﷺ অত্যন্ত কঠোরভাবে নিষেধ করেছেন।

আনাছ رضي الله عنه হতে বর্ণিত, তিনি বলেন- একদিন রাছুলুল্লাহ ﷺ আমাদের নিয়ে নামায পড়লেন। নামায শেষে তিনি আমাদের দিকে মুখ ফিরিয়ে বললেন:-

১৮. رواه البخاري

১৯. সাহীহ বুখারী

২০. رواه مسلم

২১. সাহীহ মুছলিম

২২. ত্বাবাক্বাতে হানাবিলাহ, রিছালাতুস সালাত লিল ইমাম আহমাদ ইবনু হাম্বাল

أَيُّهَا النَّاسُ، إِنِّي إِمَامُكُمْ، فَلَا تَسْبِقُونِي بِالرُّكُوعِ وَلَا بِالسُّجُودِ، وَلَا بِالتَّقِيَامِ وَلَا بِالْأَنْصِرَافِ، فَإِنِّي أَرَأَيْتُمْ أَمَامِي وَمَنْ خَلْفِي. ٢٧

অর্থ- হে লোকজন! নিশ্চয়ই আমি তোমাদের ইমাম, অতএব তোমরা রুকু, ছাজদাহ, ক্রিয়াম (দাঁড়ানো) কিংবা ছালাম ফিরানো- এ কাজগুলো আমার আগে করবে না। কেননা আমি তোমাদেরকে আমার সামনে এবং পিছনে থেকে দেখতে পাই।^{২৪}

আবু হুরাইরাহ رضي الله عنه হতে বর্ণিত, তিনি বলেন - রাহুলুল্লাহ صلوات الله عليه আমাদেরকে শিক্ষা (নামায শিক্ষা) দিতেন, তিনি বলতেন:-

لَا تُبَادِرُوا الْإِمَامَ إِذَا كَبَّرَ فَكَبِّرُوا وَإِذَا قَالَ: وَلَا الضَّالِّينَ فَقُولُوا: آمِينَ، وَإِذَا رَكَعَ فَارْكَعُوا، وَإِذَا قَالَ: سَمِعَ اللَّهُ لِمَنْ حَمِدَهُ، فَقُولُوا: اللَّهُمَّ رَبَّنَا لَكَ الْحَمْدُ. ٢٨

অর্থ- ইমামের আগে যেয়ো না (ইমামকে পিছনে ফেলো না)। তিনি যখন তাকবীর বলবেন তখন (অর্থাৎ ইমামের তাকবীর বলার পরে) তোমরা তাকবীর বলো। ইমাম যখন “ওয়ালাহ্ যা-ল্লী-ন” বলবেন তখন (অর্থাৎ ইমাম “ওয়ালাহ্ যা-ল্লী-ন” বলার পরে) তোমরা “আ-মী-ন” বলো। ইমাম যখন রুকুতে যাবেন তখন (অর্থাৎ ইমাম রুকুতে যাওয়ার পরে) তোমরা রুকু করো অর্থাৎ রুকুতে যাও। ইমাম যখন “ছামিআল্লাহ্ লিমান হামিদাহ” বলবেন তখন (অর্থাৎ “ছামিআল্লাহ্ লিমান হামিদাহ” বলার পরে) তোমরা বলো “আল্লাহুম্মা রব্বানা লাকাল হাম্দ”।^{২৫}

যদি কেউ অজ্ঞতা কিংবা বে-খেয়াল বশতঃ সালাতে রুকু বা ছাজদাহর একাংশে ইমামের আগে মাথা উঠিয়ে নেয়, তাহলে তখন সে কী করবে? যেমন একজন লোক ইমামের সাথে যথারীতি রুকু বা ছাজদাহ করছিলো, এমতাবস্থায় ইমামের রুকু কিংবা ছাজদাহ সম্পন্ন হওয়ার আগেই (ইমাম রুকু বা ছাজদাহরত থাকা অবস্থায়) সে যদি স্বীয় মাথা (রুকু বা ছাজদাহ থেকে) তুলে নেয়, তাহলে তার করণীয় কি?

হ্যাঁ, এমতাবস্থায় তার করণীয় হলো সাথে সাথে পূর্বের অবস্থায় ফিরে যাওয়া। সে যদি ইমামের রুকুতে থাকাবস্থায় ইমামের আগে স্বীয় মাথা রুকু থেকে উঠিয়ে থাকে তাহলে সাথে সাথে তাকে রুকুতে ফিরে যেতে হবে এবং রুকু থেকে মাথা উঠানো, তারপর আবার রুকুতে ফিরে যেতে সে সময়টুকু ব্যয় হবে- ইমাম রুকু থেকে মাথা উঠানোর পর সেই পরিমাণ সময় তাকে রুকুতে থাকতে হবে। এমনিভাবে কেউ যদি ইমামের ছাজদাহতে থাকাবস্থায় ইমামের আগে স্বীয় মাথা ছাজদাহ থেকে উঠিয়ে থাকে তাহলে তাকে

২৩. رواه مسلم

২৪. সাহীহ মুছলিম

২৫. رواه مسلم

২৬. সাহীহ মুছলিম

সাথে সাথে ছাজদাহতে চলে যেতে হবে এবং ছাজদাহ থেকে মাথা উঠানো, তারপর আবার ছাজদাহতে ফিরে যেতে যে সময়টুকু ব্যয় হবে- ইমাম ছাজদাহ হতে মাথা উঠানোর পর সেই পরিমাণ সময় তাকে ছাজদাহতে থাকতে হবে। অতঃপর রুকু' কিংবা ছাজদাহ হতে উঠে আবারো যথারীতি ইমামের পিছু অনুসরণ করতে হবে।

এর প্রমাণ হলো- ‘আব্দুল্লাহ ইবনু মাছউদ رضي الله عنه হতে বর্ণিত, তিনি বলেছেন-

إِذَا رَفَعَ قَبْلَ الْإِمَامِ يَعُودُ، فَيَمْكُتُ بِقَدْرِ مَا رَفَعَ، ثُمَّ يَتَّبِعُ الْإِمَامَ.^{৭২}

অর্থ- যখন কেউ ইমামের আগে মাথা উঠাবে তাহলে সে যেন পুনরায় আগের অবস্থায় ফিরে যায় এবং যতসময় ধরে মাথা উঠিয়েছিল ততটুকু সময় ধরে মাথা আগের অবস্থায় রাখে, অতঃপর সে যেন ইমামের অনুসরণ করে।^{২৮}

‘আবদুল্লাহ ইবনু মাছউদ رضي الله عنه হতে আরো বর্ণিত, তিনি বলেছেন-

لَا تُبَادِرُوا أَيْمَنَكُمْ بِالرُّكُوعِ وَلَا بِالسُّجُودِ، فَإِنْ سَبَقَ أَحَدٌ مِنْكُمْ فَلْيَضَعْ قَدْرَ مَا يَسْبِقُ بِهِ.^{৭৩}

অর্থ- রুকু' কিংবা ছাজদাহতে তোমরা তোমাদের ইমামগণের আগে যেয়ো না (অর্থাৎ ইমামের আগে রুকু'- ছাজদাহ করো না)। যদি তোমাদের কেউ (রুকু' অথবা ছাজদাহতে) ইমামের আগে চলে যায় তাহলে সে ইমামের যতটুকু সময় আগে গিয়েছিল পুনরায় ততটুকু সময় সে নিজেকে যেন ঐ অবস্থায় রাখে।^{৩০}

‘আবদুল্লাহ ইবনু মাছউদ رضي الله عنه হতে বর্ণিত অন্য বর্ণনায় রয়েছে, তিনি বলেছেন-

لَا تُبَادِرُوا أَيْمَنَكُمْ بِالرُّكُوعِ وَلَا بِالسُّجُودِ وَإِذَا رَفَعَ أَحَدُكُمْ رَأْسَهُ وَالْإِمَامُ سَاجِدٌ فَلْيَسْجُدْ ثُمَّ لِيَمْكُتْ قَدْرَ مَا سَبَقَ بِهِ الْإِمَامَ.^{৩১}

অর্থ- তোমরা রুকু' ও ছাজদাহতে তোমাদের ইমামগণের আগে যেয়ো না (অর্থাৎ ইমামের আগে রুকু'- ছাজদাহ করো না)। ইমাম ছাজদাহতে থাকাকালীন তোমাদের কেউ যদি স্বীয় মাথা উঠিয়ে নেয়, তাহলে (সাথে সাথে) সে যেন পুনরায় ছাজদাহতে চলে যায় অতঃপর ইমামের যতটুকু সময় পূর্বে মাথা উঠিয়েছিল ততটুকু পরিমাণ সময় সে যেন ছাজদাহরত থাকে।^{৩২}

২৭. نكره البخاري في صحيحه.

২৮. সাহীহ বুখারী

২৯. أخرجه عبد الرزاق في مصنفه.

৩০. মুসান্নাফু ‘আব্দির্ রায়যাক্ব

৩১. مصنف بن أبي شيبة.

এ বিষয়ে ‘উমার رضي الله عنه হতে বর্ণিত রয়েছে, তিনি বলেছেন-

أَيُّمَا رَجُلٌ رَفَعَ رَأْسَهُ قَبْلَ الْإِمَامِ فِي رُكُوعٍ أَوْ فِي سُجُودٍ، فَلْيَضَعْ رَأْسَهُ بِقَدْرٍ رَفَعَهُ إِلَيْهِ.^{৩৩}

অর্থ- যে ব্যক্তি রুকু‘ অথবা ছাজদাহতে ইমামের আগে নিজের মাথা উঠাবে তাহলে যতক্ষণ সে মাথা উঠিয়েছিল, ঠিক ততটুকু সময় সে যেন পূর্বের অবস্থায় ফিরে গিয়ে মাথা রাখে।^{৩৪}

অন্য বর্ণনায় ‘উমার رضي الله عنه হতে বর্ণিত রয়েছে, তিনি বলেছেন-

إِذَا رَفَعَ أَحَدُكُمْ رَأْسَهُ قَبْلَ الْإِمَامِ فَلْيُعِدْ ثُمَّ لِيَمْكُثْ بَعْدَ أَنْ يَرْفَعَ الْإِمَامُ رَأْسَهُ بِقَدْرٍ مَا كَانَ رَفَعَهُ.^{৩৫}

অর্থ- যদি তোমাদের কেউ ইমামের আগে নিজের মাথা উঠায়, তাহলে সে যেন আবার পূর্বাবস্থায় ফিরে যায়, অতঃপর ইমাম মাথা উঠানোর পরেও সে যেন এই অবস্থায় ততটুকু সময় থাকে যতটুকু সময় সে মাথা তুলে রেখেছিল।^{৩৬}

যারা সালাতে ইমামের আগে উঠা-বসা বা রুকু‘-ছাজদাহ করে, তাদের শাস্তি বা পরিণতি হচ্ছে অত্যন্ত ভয়াবহ।

আবু হুরাইরাহ رضي الله عنه হতে বর্ণিত হাদীছে রয়েছে, রাছুলুল্লাহ صلى الله عليه وسلم বলেছেন:-

أَمَّا يَخْسَى أَحَدَكُمْ أَوْ لَا يَخْسَى أَحَدَكُمْ إِذَا رَفَعَ رَأْسَهُ قَبْلَ الْإِمَامِ أَنْ يَجْعَلَ اللَّهُ رَأْسَهُ رَأْسَ حِمَارٍ أَوْ يَجْعَلَ اللَّهُ صُورَتَهُ صُورَةَ حِمَارٍ.^{৩৭}

অর্থ- যে ব্যক্তি ইমামের আগে মাথা উঠায় সে কি ভয় করে না যে, আল্লাহ তার মাথাটি গাধার মাথায় পরিণত করে দিবেন অথবা তার আকৃতি গাধার আকৃতি করে দিবেন।^{৩৮}

অন্য একটি বর্ণনায় রয়েছে যে, ‘আব্দুল্লাহ ইবনু ‘উমার رضي الله عنه এক ব্যক্তিকে এরূপ (ইমামের আগে রুকু‘-ছাজদাহ) করতে দেখে বেত্রাঘাত করেছেন এবং তাকে পুনরায় সালাত আদায়ের নির্দেশ দিয়েছেন।^{৩৯}

৩২. মুসান্নাফু ইবনু আবী শাইবাহ

৩৩. أخرجه عبد الرزاق في مصنفه

৩৪. মুসান্নাফু ‘আব্দিল্ রাযযাক

৩৫. أخرجه البيهقي وابن أبي شيبة

৩৬. ছুনানুল বাইহাক্বী, মুসান্নাফু ইবনি আবী শাইবাহ

৩৭. رواه البخاري و مسلم

৩৮. সাহীহ্ বুখারী, সাহীহ্ মুছলিম

অতএব, সম্মানিত মুসাল্লিগণ! খুবই সাবধান! জামা‘আতে নামায আদায়কালীন ইমামের একমুহর্ত আগে কিংবা ইমামের সমান্তরালে তথা একেবারে একসাথে নামাযের কোন কার্য করবেন না। এরূপ করা হারাম তথা নিষিদ্ধ হওয়ার ব্যাপারে ইমামগণ ঐকমত্য পোষণ করেছেন। কেউ যদি স্বজ্ঞানে-স্বেচ্ছায় ইমামের আগে সালাতের কোন একটি রুক্ন সম্পূর্ণরূপে সম্পন্ন করে ফেলে, বিশেষ করে কেউ যদি ইমামের তাকবীর বলে তাহরীমা বাধার আগেই তাকবীর বলে তাহরীমা বেঁধে ফেলে কিংবা ইমামের আগেই ছালাম ফিরিয়ে নেয়, তাহলে তার নামায বাতিল হয়ে যাবে এবং তাকে পুনরায় নামায আদায় করতে হবে, এ বিষয়ে প্রায় সকল ইমামগণই একমত।

জামা‘আতে ইমামের সাথে সালাত আদায়কারী যেসব মুকুতাদীর এ ধরনের বদ-অভ্যাস রয়েছে, তাদের উচিত দ্রুত এই বদঅভ্যাস ও হারাম কাজটি পরিত্যাগ করা এবং অতীতে এরূপ হারাম কাজ করার জন্য আল্লাহর (ﷻ) নিকট কায়মনে তাওবা-ইছতিগফার করা।

আসলে এসব বিষয়ে মুসাল্লিদের সাবধান করা এবং রাছুলুল্লাহ ﷺ যেভাবে সালাত আদায় করেছেন কিংবা করার নির্দেশ দিয়েছেন, সেভাবে সালাত আদায়ের নিয়ম-পদ্ধতি জনগণকে শিক্ষা দেয়া সম্মানিত ইমামগণের দায়িত্ব। কেননা ইমাম হলেন মুকুতাদীগণের যিম্মাদার। ‘উলামায়ে কিরাম যদি তাদের ওয়া‘য-নাসীহাতে এসব বিষয় গুরুত্ব সহকারে আলোচনা করেন, সম্মানিত ইমামগণ যদি পাঁচ ওয়াকুত জামা‘আতে সালাত শুরু করার আগে মাত্র এক মিনিট সময় ব্যয় করে সালাতের অতি প্রয়োজনীয় এসব বিষয় তথা মাছায়িল মুসাল্লিগণকে জানিয়ে দেন, তাহলে হয়ত প্রতিদিন পাঁচবার শত শত লোক এহেন মারাত্মক গুনাহে নিপতিত হবে না কিংবা তাদের চোঁখের সামনে শত শত লোকের নামায বাতিল হবে না। আর অজ্ঞ-মূর্খদের কারণে তারা (‘আলিম ও ইমামগণ) নিজেরাও ধ্বংস ও সর্বনাশের মুখে পতিত হবেন না।

আল্লাহ জাল্লা ওয়া ‘আলা এহেন জঘন্য পরিণতি থেকে সকল মুছলমানকে হিফাযাত করুন, – আ-মী-ন।